



Na osnovu poglavlja III tačka 2. podtačka 11. Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", broj 49/23), te člana 2. Odluke Općinskog načelnika o imenovanju Operativnog tima za primjenu Plana interventnih mjera broj:01/2-19-2877/23 od 24.11.2023.godine i Odluke o dopuni Odluke o imenovanju Operativnog tima za primjenu Plana interventnih mjera broj:01/2-19-2877.1/2023 od 13.12.2023.godine, Općina Ilijaš izradila je

**PROTOKOL O NAČINU OSTVARIVANJA SARADNJE UNUTAR OPĆINE ILIJAŠ
I SA OSTALIM SUBJEKTIMA PRIMJENE PLANA INTERVENTNIH MJERA
USLJED PREKOMJERNE ZAGAĐENOSTI ZRAKA U KANTONU SARAJEVO**

Član 1.

(Opšte odredbe)

Plan interventnih mjera u slučajevima prekomjerne zagađenosti zraka u Kantonu Sarajevo se primjenjuje za moguće posebne situacije u kojima su prekoračeni pragovi upozorenja i pragovi uzbune, čime mogu biti ugroženi zdravlje ljudi i okoliš. Plan se primjenjuje za područje Općine Ilijaš ispod 700 m.n.v. i njime su predviđene mjere i subjekti zaduženi za primjenu mjera, ograničenje ili obustava aktivnosti koje doprinose prekoračenju pragova UPOZORENJA i UZBUNE.

Član 2.

(Cilj protokola)

Protokolom se predviđaju odgovorna lica unutar Općine Ilijaš na primjeni mjera i aktivnosti iz Plana, njihova zaduženja, način komuniciranja odgovornih lica unutar organa i način komunikacije sa ostalim subjektima primjene plana, a u cilju prevencije situacija zagađenosti zraka u periodu od 15.10. tekuće do 15.04. naredne godine.

Član 3.

(Operativni tim)

Odlukom Općinskog načelnika broj:01/2-19-2877/23 od 24.12.2023. i Odlukom o dopuni Odluke o imenovanju Operativnog tima za primjenu Plana broj: 01/2-19-2877.1/2023 od 13.12.2023 godine formiran je Operativni tim u sljedećem sastavu:

1. Akif Fazlić, dipl.ecc.- Općinski načelnik, rukovodilac tima
2. Mersa Zeković- šef Odsjeka za prostorno planiranje i zaštitu okoliša u Službi za prostorno uređenje i zaštitu okoliša, član tima
3. Belma Avdić-Huseinović-stručni suradnik za zaštitu okoliša u Odsjeku za prostorno planiranje i zaštitu okoliša, član tima zadužen za organizaciju rada tima
4. Sadik Alić-Komunalni inspektor Općine, član tima
5. Emir Porča-šef Odsjeka za saobraćaj i građenje u Službi za saobraćaj, stambeno-komunalne poslove i građenje, član tim
6. Jasmin Šualija-Stručni savjetnik za zaštitu od požara i vatrogastvo u Službi civilne zaštite, član tima
7. Selma Alić-urbanističko-građevinski inspektor, član tima

Operativni tim je dužan prema definisanim nadležnostima iz Protokola, preventivno djelovati, a po proglašenju epizoda UPOZORENJE/UZBUNA odmah postupiti u skladu sa Planom i Protokolom, te o poduzetim mjerama dostavljati izvještaj o svim poduzetim aktivnostima osobi zaduženoj za organizaciju tima koja će komunicirati sa članovima tima, o istome voditi ažurnu evidenciju i sačinjavati izvještaje o izvršenim poslovima.

Član 4.

(Odgovorna osoba)

Na osnovu Odluke Općinskog načelnika broj: 05/2-19-2902/23 od 28.11.2023.godine, kao odgovorna osoba za kontinuirani kontakt sa Ministarstvom komunalne privrede, infrastrukture, prostornog uređenja, građenja i zaštite okoliša (u daljem tekstu: Ministarstvo) radi realizacije i praćenja implementacije Plana imenovana je Belma Avdić-Huseinović, stručni saradnik za zaštitu okoliša u Službi za prostorno uređenje i zaštitu okoliša.

Član 5.
(Zadaci odgovorne osobe)

Odgovorna osoba iz člana 4. ove Odluke će:

- kontinuirano primati obavještenja o proglašenju/ukidanju epizoda subjektima primjene Plana, što podrazumjeva po potrebi rad i tokom vikenda i praznika, i prosljeđivati ista stručnom saradniku za informisanje Općine;
- prikupljati informacije od Operativnog tima, općinskih službi uključenih u primjenu Plana, ostalih subjekata primjene Plana, ažurirati podatke, sačinjavati izvještaje;
- Ministarstvu dostavljati izvještaje i informacije o poduzetim preventivnim i kontinuiranim mjerama, te mjerama tokom trajanja epizoda iz Plana;
- redovno ažurirati Listu i obavještavati operatere emisije sa Liste postrojenja za sagorijevanje i tehnoloških postrojenja na teritoriji općine Ilijaš o proglašenju/ukidanju epizoda iz Plana, putem e-mail-a, telefona ili na drugi način;
- ukoliko se ukaže potrebnim organizovati prezentacije, Javne tribine sa predstavnicima operatera sa liste zagađivača i svim zainteresovanim licima učiniti dostupnim informacione letke i sl.;
- obavijestiti Ministarstvo o eventualnim razlozima nemogućnosti provedbi određenih mjera iz Plana.

Član 6.
(Operateri emisija)

Pravna i fizička lica sa područja Općine Ilijaš koji su obveznici primjene mjera iz Plana i kojima je potrebno dostavljati informacije o proglašenju/ukidanju epizoda iz Plana, dužna su postupati po uputama, te poduzimati potrebne mjere u cilju smanjenja zagađujućih emisija u zrak.

Član 7.
(Održavanje cesta)

Općina će kontinuirano tokom Planom definisanog perioda vršiti pranje i ručno ili mašinski uklanjati posipni materijal sa tretiranih površina.

Ministarstvo će putem KJKP "Rad" d.o.o. Sarajevo obezbijediti primjenu "mokrog postupka" na svim federalnim, kantonalnim i 40 % općinskih saobraćajnica, uključujući i lokalne saobraćajnice na području općine Ilijaš. Obzirom da KJKP "Rad" ne vrši zimsko održavanje saobraćajnica na području Općine Ilijaš, Općina će nakon primjene "mokrog postupka", a nakon prestanka epizoda UPOZORENJE i UZBUNA obezbijediti ručno ili mašinsko čišćenje posipnog materijala i pranje tretiranih površina.

Član 8.
(Informisanje)

Na službenoj web stranici treba biti postavljen Plan interventnih mjera i link Zavoda za javno zdravstvo Kantona Sarajevo kojim će se omogućiti konstantno praćenje prosječnih satnih vrijednosti zagađujućih materija u zraku, po potrebi izdavati preporuke stanovništvu o postupanju tokom trajanja epizoda UPOZORENJE i UZBUNA. Obavijesti prema potrebama prosljeđivati i Radio Ilijašu, te drugim sredstvima javnog informisanja.

Član 9.
(Inspeksijski nadzor)

Nadležna općinska urbanističko-građevinska i komunalna inspekcija intenziviraće inspeksijski nadzor u okviru svojih nadležnosti i svakodnevno obilaziti teren i aktivna gradilišta. U slučaju utvrđenih nepravilnosti ovlaštene su da poduzmu sve zakonom propisane mjere, uključujući pokretanje prekršajnog postupka, odnosno izdavanje prekršajnog naloga. Shodno Planu u periodu od 15.10. tekuće do 15.04. naredne godine, a za protekli mjesec, najkasnije sedmog dana narednog mjeseca, dužni su dostavljati izvještaje o poduzetim aktivnostima Ministarstvu, pri čemu je potrebno isti dostaviti i Odgovornoj osobi iz člana 4. radi sačinjavanja izvještaja navedenom Ministarstvu, a po potrebi i ostalim subjektima primjene Plana.

Član 10.
(Civilna zaštita)

Nadležna općinska služba civilne zaštite će u saradnji sa Službom za saobraćaj, stambeno-komunalne poslove i građenje vršiti praćenje provođenja aktivnosti pranja i čišćenja saobraćajnica, kao i praćenje postupka uklanjanja posipne frakcije sa tretiranih površina nakon primjene "mokrog postupka". Navedena Općinska služba će tokom trajanja epizoda UPOZORENJE i UZBUNA zaprimati dojave građana o kršenju odredbi iz Plana, iste dostavljati Kantonalnoj upravi civilne zaštite i Odgovornoj osobi iz člana 4. ovog Protokola.

Član 11.
(Potrebna sredstva)

Općina će obezbijediti sredstva potrebna za provođenje svih aktivnosti utvrđenih ovim Planom.

Član 12.
(Mjere)

Plan sadrži 6 mjera koje se trebaju kontinuirano implementirati od 15.10. tekuće do 15.04. naredne godine, definisano je 6 mjera koje je potrebno provesti prije početka grijne sezone i 18 mjera za periode UPOZORENJE i UZBUNA, podijeljene su kao:

- Mjere/aktivnosti i odgovornosti primjene u slučaju epizode UPOZORENJE u cilju smanjenja emisija,
- Mjere/aktivnosti i odgovornosti primjene u slučaju epizode UPOZORENJE u cilju zaštite zdravlja stanovništva,
- Mjere/aktivnosti i odgovornosti primjene u slučaju epizode UZBUNA u cilju smanjenja emisije.

Tabela koja slijedi sadrži sve podatke o kontinuiranim mjerama, preventivnim mjerama i mjerama u slučaju epizoda UPOZORENJE i UZBUNA, u nadležnosti općine Ilijaš.

Mjera/aktivnost	Vrsta mjere	Nosilac mjere/aktivnosti	Praćenje provođenja mjere/aktivnosti	Uslovi za provođenje mjere/aktivnosti
Obavezno pranje i čišćenje saobraćajnica u cilju sprečavanja podizanja čvrstih čestica u zrak u skladu sa vremenskim uslovima	Kontinuirane mjere u periodu od 15.10. tekuće do 15.04. naredne godine	Firme koje sa Općinom Ilijaš imaju sklopljen ugovor o zimskom održavanju lokalnih saobraćajnica	Služba za saobraćaj, stambeno-komunalne poslove i građenje Emir Porča-Šef Odsjeka za saobraćaj i građenje Sadik Alić-Komunalni inspektor Služba civilne zaštite Jasmin Šuvalija-Stručni suradnik za zaštitu od požara i vatrogastvo	Finansijska sredstva za zimsko održavanje lokalnih cesta obezbeđuje općina
Obavezna primjena "mokrog postupka" za zimsko održavanje saobraćajnica u cilju sprečavanja podizanja čvrstih čestica u zrak u slučaju epizode UZBUNA i UPOZORENJE	U slučaju epizode UPOZORENJE i UZBUNA	Pravna lica koja su tehnički osposobljena da vrše poslove održavanja cesta u zimskom periodu, što podrazumjeva posjedovanje opreme za primjenu "mokrog postupka" sa otopinom kalcij hlorida ili kalcij acetata u cilju smanjenja čestica prašine PM10 u zrak	Služba za saobraćaj, stambeno-komunalne poslove i građenje Emir Porča-Šef Odsjeka za saobraćaj i građenje Služba civilne zaštite Jasmin Šuvalija-Stručni suradnik za zaštitu od požara i vatrogastvo	Ministarstvo obezbeđuje primjenu "mokrog postupka" na 40 % općinskih saobraćajnica, uključujući lokalne saobraćajnice na području općine Ilijaš putem KJKP "Rad" d.o.o Sarajevo, a ručno ili mašinsko uklanjanje frakcije sa tretiranih površina obezbeđuje Općina
Zabrana izvođenja građevinskih radova na otvorenom prostoru, koji produkuju emisiju prašine u zrak	U slučaju epizode UPOZORENJE	Pravna i fizička lica	Služba za saobraćaj, stambeno-komunalne poslove aktivnosti Selma Alić-Urbanistički građevinski inspektor	Postoje uslovi

Obavještanje stanovnika o proglašavanju/ ukidanju epizoda putem Općinske web stranice, radio ILIJAŠ-a i ostalih javnih portala	U slučaju epizode UPOZORENJE i UZBUNA	Stanovništvo, pravna i fizička lica	Služba za prostorno planiranje i zaštitu okoliša Belma Avdić-Huseinović- Stručni suradnik za zaštitu okoliša Služba općinskog vijeća i općinskog načelnika Nermina Lemezani- Stručni suradnik za informisanje Radio Ilijaš	Postoje uslovi
Obavještanje operatera emisije sa Liste postrojenja za sagorijevanje i tehnoloških postrojenja sa područja općine Ilijaš	U slučaju epizode UPOZORENJE i UZBUNA	Pravna i fizička lica	Služba za prostorno planiranje i zaštitu okoliša Belma Avdić-Huseinović- Stručni suradnik za zaštitu okoliša	Postoje uslovi
Distribucija edukacionog materijala predstavnicima operatera sa liste pravnih i fizičkih lica na koja se odnosi Plan	U slučaju epizode UPOZORENJE i UZBUNA	Pravna i fizička lica	Služba za prostorno planiranje i zaštitu okoliša Mersa Zeković-Šef Odsjeka za prostorno planiranje i zaštitu okoliša Belma Avdić-Huseinović- Stručni suradnik za zaštitu okoliša	Postoje uslovi
Zaprima dojave građana o kršenju odredbi iz plana, a iste dostavlja Kantonalnoj upravi civilne zaštite i odgovornom licu iz člana 4. ovog Protokola	U slučaju epizode UZBUNA i UPOZORENJE	Stanovništvo, pravna i fizička lica	Služba civilne zaštite Jasmin Šuvalija-Stručni suradnik za zaštitu od požara i vatrogastvo Služba za prostorno uređenje i zaštitu okoliša Belma Avdić-Huseinović- Stručni suradnik za zaštitu okoliša	Postoje uslovi

Član 13.
(Stupanje na snagu)

Ovaj Protokol stupa na snagu danom potpisivanja.

Broj: 05/2-19-2980/23
Ilijaš, 14.12. 2023. godine


OPĆINSKI NAČELNIK

 Akif Fazlić, dipl. ecc.